

十住斷結經卷第八

能八

姚秦涼州沙門竺佛念譯

勇猛品第十四

爾時最勝菩薩前白佛言云何菩薩初發心行無能斷者云何菩薩意識安隱不可捨離是時世尊告最勝曰初發意菩薩當學所學

不滯生死不畏吾我雖處過去當來現在亦不畏懼便能勇猛毀壞邪見初聞法味信根成就意常係在滅盡之處常離出業唯慕無上正真之道咨歎經典聽之無厭設遭苦樂不以為倦所以然者其心牢固不可移動或經一身二身三身應時速得如來正受三昧

定意復得信受不妄三昧復得摠持受決三昧漸漸便至無所從生不起法忍以是名曰發意菩薩內心所行無能斷者菩薩專意不著色相不念是常非常有苦有樂若好若醜若遠若近亦復不念過去當來現在之法亦復不念吾當成佛典領三千大千刹土不念

有想不念生想著想深想結想心想無量門受其妙法不還亦不見還不厭亦不見厭不足亦不見足不廢亦不見廢無捨無壞無見亦不有見不增亦不有減不異亦不有變不自然行非不有行所以然者言自然者虛空法界之所攝也如是菩薩無限無量弘誓之

心而自成就不厭不患亦不退轉賜欲度脫一切眾生所以然者菩薩欲度一切眾生使般泥洹住十七劫不捨不離分別三世諸法虛寂諸法性空諸法無我何以故欲從此至彼故菩薩大士至虛空界以天眼觀依地大住眾生多耶虛空界眾生多耶然觀虛空界

生不可稱計無有邊幅天眼菩薩復更思惟吾今所觀極為玄遠寧從四天下遠須彌山其中所有虛空無形眾生多耶為有形眾生多耶佛告最勝天眼菩薩猶不能知無形眾生之多少所以然者非彼境界今吾引喻重解斯義有明目者當了此譬猶如辟方八肘

虛空上下俱等無空缺處筭計其中無形衆生與四天下衆生共等欲知數者從一數至億以億爲一復從一至億還數億爲一如是數至七欲知無形虛空衆生限者其數如是復告最勝天眼菩薩觀虛空無形衆生之時猶如人觀辟方大石上下俱等實而無缺故

能八

二

不知數發意菩薩從初起學上菩薩位當度衆許衆生心不移動者當知不爲魔所擾固遊於三界憑善知識恐畏之難亦不復生其有菩薩住於是者至誠受勸亦不復久行權方便興發勸助指授泥洹說滅度決加說四諦如來印章一一分別而示其路若有衆生不肯覺寤無數方便以爲唱導習癡所惑而致諸苦能斷愛欲乃應無著便得越度正覺所有賢聖默然則爲解脫所名解脫解脫生老病死彼亦不死亦不爲死彼亦不脫亦不爲脫何所解脫無著無縛無滅無生無所成無所辦無所逮乃應正道衆生迷塞不時開

解如來哀愍現出于世在所遊處便現導師聞法衆生至不退轉若有歡喜奉持正法便逮無生不起法忍發意菩薩常念思惟眼耳鼻口身意分別六衰爲從何生復從何滅法自生法法自滅法不見邪不見正不造不作不見是我所非我所不依內性自觀不依外

當分別復當思惟色痛想行識不過去色過去色不在內不在外不兩中間得不過去痛想行識過去痛想行識不在內不在外不兩中間得不過去色住不過去色不住不在邊不在此不過去眼耳鼻舌身意法過去眼耳鼻口身意法不在內不在外不兩中間得不

能八

三

過去意想知滅不在內不在外不兩中間得當來現在色痛想行識眼耳鼻口身意想知滅亦復如是復次最勝菩薩大士以神通慧修無礙道一切諸佛功德慧業盡共計之十倍百倍千倍萬倍不如發意菩薩安一衆生發無上道心成一切智具足一切諸佛之法

妄想已斷無復狐疑諸天世人無不恭敬而禮拜者達知諸法幻化非真一切有形進趣於道便獲如來神足之力是時座上十四億衆渴仰如來神足之德遲見如來現其威變佛知衆會心中所念即於座上放大光明身諸毛孔亦放光明一一毛孔放百千億光明

一一光明有百千億夜光神寶雕文刻鏤衆寶雜廁衆華雜香而覆其上寶四角頭懸四瓔珞一一寶上有百千億帳一一寶帳有百千億自然蓮華師子之座一一座上有百千億殊異之色一一色中有百千億摩尼珠寶在蓮華上一一華上復有百千億種種殊異

寶交露蓋一一蓋下有百千億如來說法一如來有百千億諸佛刹土一一刹土有百千億自然浴池一一浴池有百千億鳧鴈鴛鴦自然遊戲

爾時寶交露臺諸如來無所著等正覺復放百千億光明一一光中復有化佛一一化佛

各說發意菩薩所行功德十二因緣無常苦空非身之法趣泥洹門一一門中轉百千億不退轉法古昔未轉今日如來而為轉之現佛威儀神足變化未曾所見未曾所聞不可思議不可稱計是時諸來會者歎未曾有甚奇甚特是我等福乃能見此神足變化然法

熾法無盡之化如來如如來藏不住於住無形像無根本不得得不獲獲甚深玄遠實而不虛智慧廣博除去愚惑亦不破壞成就法界當來過去現在諸佛之法皆現在前出來力增益諸佛國為佛章印出生菩薩道於現法中為淨眼法王慧眼清淨種性純熟佛

能八

甲

眼無礙由慧眼知分別句義而開法門與善知識成就道心不毀境界不敗種性為一切衆生而作覆護居家成就若處在衆無所畏難所興巧便無適不化名德清淨無復希望胞胎均正增上智業興無蓋雲智熾猛火燒疑結聚闡揚正教振於道場慈悲四等揔持

審諦九觀六業勇力無畏信念慧定行訓無盡入三昧定由觀十方禮拜恭敬供養諸佛是謂最勝菩薩大士心難沮壞猶如菩薩性空自然有目之士知是爲空空不自知言我自空菩薩行本亦復如是度人恒沙復過恒沙及至諸佛所遊刹土而度衆生非算數所壽菩薩不自念我今乃度尔所衆生使至涅槃寂然無爲亦不言我緣斯果報當成無上正真之道發意菩薩執心牢固從初發迹乃至道場坐樹王下降伏魔衆其中所作功祚福業盡爲衆生不自爲已猶如虛空普覆無外然不自知言我是空如來神德智慧光明周接黎庶使成法眼無離無著一切諸法不可沮壞無人無我以智慧明善權利劍一切諸佛所用正教無量功德除去疑網菩薩大士之所修行菩薩所行淨三梵堂無空不空空亦不生亦無所有無人無我無壽無命亦不見生亦不見死獨步無侶無可思議不毀

能八

九

境界無想亦空不生亦不見生亦不見出無去無來無作無造法界無量成道場業空界無邊無所縛著爲衆生故故作處所是我所非我所起吾我想菩薩執意依善根本無量智慧而淨其道去心垢意以智慧除如是最勝菩薩入淨觀三昧觀察十方恒沙衆生誰應法行誰應智行誰應淨行相應若有衆生應受法者便當與說二十五法云何爲二十五諸法無相諸法無形諸法忍諸法相諸法無根諸法境界不可得諸法無所取諸法不二入門諸法無度諸法不可得諸法甚深不可追尋諸法覺不覺者諸法力不可壞諸法成不成者諸法無毀而毀諸法無常去常諸法無染汙諸法行淨諸法性觀諸法無漏諸法過去已捨諸法拔疑去網諸法無從生慧投決諸法本無無苦名是謂菩薩清淨修行二十五法復次菩薩行三忍智過智無過智亦不過智亦不過智云何菩薩修行過智

不壞法界身是本無如來之所修行非緣覺
羅漢之所修習無過智者增上慧明賢聖緣
覺之所修行非佛羅漢之所行也亦不過智
亦不過智阿羅漢之所修行非佛緣覺之
所修行云何過智是佛所行非羅漢辟支於
是菩薩彈指之頃以智慧念我當弘濟無底
衆生無邊無崖緣想智業金剛正受亦無轉
還弘誓之心過出羅漢辟支佛上是爲過智
非是羅漢辟支佛之所修行云何亦不過智
賢聖辟支佛之所修行於是菩薩發心起學
欲淨法界導引衆生宣暢佛法演甘露慧爲
無上道求詣道場若有衆生直從一徑至菩

薩所頭目髓腦國城妻子意所愛物盡用惠
施給與乞者除父母師長施果不求報如是
一卅至百卅一劫至百劫財物惠施亦不見
物物是誰許爲從何生本從何來滅至何處
解物無本不見住止屋舍時此菩薩以空慧
觀亦不見身亦不見物亦不見人亦復不見

能八

六

何處惠施然此菩薩積行殊久心意捷速欲
成無上正真之道慕度衆生淨佛國土然此
菩薩心樂閑靜常處山巖意想寂靜繫念在
前內自思惟前後所施衆德具足應成無上
正真之道爲最正覺然佛出世衆相嚴身廣
濟衆生至無爲岸要須大聖於無餘界而取
滅度然後我當進成佛道

佛告最勝彼菩薩心所念所行願不違錯如
來在卅教化周訖於無餘泥洹而般泥洹正
法滅盡卅無復佛一劫二劫或至百劫山澤
菩薩方自剋責咄哉所爲唐勞其功佛去卅
久像法滅盡宿緣衆生盡爲所在心懷煩惱
周章經行詣一樹下以右手指爪刮乾樹皮
正值空處驕然有聲心霍然悟便成無上正
真之道左右顧視不見翼從隱形匿相不轉
法輪如凡常人人間分越是謂亦不過智賢
聖辟支之所修行非佛羅漢也云何亦不過
智亦不過智羅漢所修非佛辟支佛耶於

是菩薩從久遠以來積行動苦欲得無上正
 真之道為最正覺行施行忍行精進行禪行
 智或施頭目國財妻子僕從給使有所求索
 不逆人意但刺身出血多於四海體骨布施
 遍四天下然於其中不獲其證漸漸却退在
 凡夫行厭患生死心不猛進憶本所作內心

能八

七

竊悔趣欲脫身捐捨眾生久久方便求師諮
 受承聲聞法乃得覺悟追前功勞想責無逮
 是謂亦不過智亦不過智羅漢所修非佛
 辟支佛也云何菩薩淨行相應是佛羅漢辟
 支佛之所修行所謂淨行者淨三場淨三眼
 淨三聚戒淨定淨慧淨解脫淨解脫見慧淨

從三善法至十八無漏之法道俗善法皆悉
 清淨佛辟支佛阿羅漢修此淨行至成得道
 不有中還眾想不興亦不可見不起不滅亦
 無識止有終有始便有窠窟達無終始豈有
 處所時最勝菩薩復白佛言世尊云何離欲
 菩薩心無增減亦復不念是苦是樂是好是

醜亦復不念前後中間去來現在禪止三昧
 復不自念吾於欲無欲

爾時世尊告最勝曰無欲菩薩遊麴欲界周
 遊往來說法教戒心雖無染如處煇煨無底
 火坑愍彼眾生繫著四流沒十二海欲求出
 路不知當趣內心堪忍不以為難分別五陰

興衰之法色痛想行識思惟四大諸所生滅
 水泡野馬芭蕉幻化虛而不真亦不牢固何
 以故甚深之法難可究竟色法甚深道亦如
 是五陰甚深俗法亦亦俗法甚深虛空界亦
 亦善察虛空界及與法界亦無識想我人壽
 命校計斯者實如幻化思惟世俗八無閉法

穢濁染汙妨人趣道淨觀思惟悉無處所何
 以故亦非常苦空非身之法有目之士能能
 此者是謂菩薩心無增減不見苦樂善惡好
 醜都無三世緣起之著地種為剛境界自然
 水性為濕性自柔輒火性隆熾性自然熱風
 性漂搖動轉不住法性觀察寂無四大地水

火風爲從何生復從何滅若菩薩分別法界設地增者水火風性各各不知神識自溺漸不相應地重神輕各欲相離若水增者地火風界轉轉衰微神輒欲移不安其宅猶如有人處在靜室意欲出行造餘村落先出右脚在門闕外是謂地大增也次出右手復在門

能八

八

外所謂水性增也轉出左脚在門闕外是謂火性增也復出左手在於門外可謂風性增也進前趣路是謂神以逝矣詣村落者趣五道也其知是者乃了法界不堅不柔不熱不輕剛爲所在柔爲所至熱爲所趣輕爲所向如是菩薩分別法界一一觀了亦無處所思

惟法界性自不同養神長體各自殊異四大之中火爲盛毒餘三大者性自相應所以然者菩薩當觀內外四大亦復如是三界衆生四大不同欲尋其源莫知處所當復思惟六情所趣其眼亦空眼識亦空解於空者乃爲法界菩薩大士復當思惟解於六衰眼之視

色色亦無有前物入色亦復無有耳鼻口身意亦復如是菩薩復當學諦相非諦相道相非道相空相非空相云何菩薩學諦相非諦相於是菩薩審解本無本無爲一切無有二亦知道證而無有證不見受證不見不受證亦不見應亦不見不應了應不應是謂諦相

菩薩諦相在空亦諦遠空亦諦亦不在亦不在是謂諦相金剛正受倚空習本取護得盡解此三事者亦是諦相菩薩諦相達內無實知外無入不見愛樂不見不受樂不見是處非處亦是諦相於內不斷正見於外示現若如閑居心常寂靜外若憤亂知苦等住所

能八

九

適亦等其諦相者道證明驗五陰空五陰無主所從緣起亦復是空不住不見住慧盡相不住在疑結亦無住不在五事不隨十善十惡世間本末是曰諦相如是菩薩行諦相者則不退轉非諦相者虛空界最第一義知之爲寂緣解無縛是謂菩薩非諦相也云何菩

薩學道相非道相猶豫結疑世間不可愛染
 自用橫害中暴墮苦是謂道相現在身作來
 世受報不倚師不向善知識亦是道相云何
 菩薩亦非道相非道相者三十七品有為無
 為法所趣入不在二亦不遠二不從緣不離
 緣不住緣不隨緣不度非不度不果非不果
 不一二三四乃至十非不十非所生非不生
 非滅盡非不滅盡非起滅非不起滅非言教
 非不言教非解空非不解空非思止非不思
 止若菩薩察二十四事觀了本末分別在心
 不處生死離於縛著無勝負心亦不強梁不
 自舉不下人便應碎身遊散三昧於百億定
 為最上首為尊為貴無過是者非是羅漢辟
 支境界
 爾時世尊即於座上三昧正受其三昧名一
 意無畏使四部之眾上下齊同各無他念亦
 無亂想是時世尊告最勝曰諦聽諦聽善思
 念之吾今為汝分別三昧使來會者各無狐

疑最勝對曰如是世尊願樂欲聞樂者令得
 安隱

佛告最勝有三昧名散諸結令無限無量刹
 土有形眾生除法苦痛無復眾惱復有三昧
 名勇慈明使諸眾生各無怨讎復有三昧名
 德充如來入此三昧使眾生類無飢渴想復
 有三昧名清淨如來入此三昧使諸眾生得
 法眼淨復有三昧名耳根清淨如來入此三
 昧使眾生類得天耳聰復有意寂三昧如來
 入此三昧使眾生類迴邪就正復有除惡三
 昧如來入此三昧使眾生類修十善行跡復
 有三昧名獨步如來入此三昧使眾生類不
 能八
 懷邪見而受正道復有趣路徑三昧如來入
 此三昧使眾生類趣道不迷復有三昧名成
 辦如來入此三昧使眾生類捨于惡戒就清
 淨戒復有三昧名慙愧樂如來入此三昧使
 眾生類奉持忍辱復有三昧名進德如來入
 此三昧使眾生類懈慢惰者興勇猛意復有

三昧名一已無侶如來入此三昧使喜忘衆生速入禪定復有三昧名曰降伏如來入此三昧使執愚衆生智慧自悟復有三昧名無穿漏如來入此三昧使無信衆生安處信根復有三昧名揔持德如來入此三昧使少聞衆生而獲多聞復有三昧名威儀則如來入

此三昧使衆生類儀容整頓不失禮節復有三昧名施恩如來入此三昧使著欲衆生永無愛欲復有三昧名以度如來入此三昧使瞋怒衆生斷除恚恨復有三昧名無惑如來入此三昧使愚癡衆生親習智業復有遍至三昧如來入此三昧使衆生類不著三有復

有三昧名一切身體形色三昧如來入此三昧使十方國土一切衆生化作百千億形色然彼衆生各各不相知我今最勝略說其要設當如來從劫至劫乃至百劫說如來所入三昧者不可究竟唯佛世尊乃能暢耳是時最勝前白佛言甚奇甚特如來身相所造變

能八

十一

化不可思議無能測量以無形善權而自嚴飾如來所說所入三昧昔所不見昔所不聞若有菩薩聞此三昧名号定意持誦誦者在所遊處常得自在若復勸助代其歡喜爲以供養諸佛法已諸聲聞等非其境界緣覺之乘復不能及若有毀謗斯定三昧常處闇暝

未曾決了設復人身入無救獄罪猶甚微蓋不足言若有憎嫉定意三昧其罪難量動有劫數聾盲瘖瘂終不聞法雖得爲人恒多苦痛兩舌詐欺口不能言自非菩薩廣博多聞乃能信此正定三昧若有勸發誦習此定尋時得見諸十方佛又我今日講解定意志不改易乃應正定爾時最勝承佛威神復白佛言今日此衆諸來會者菩薩四部天龍鬼神備欲得見如來定意所可感動或能蒙斯多所潤澤多所成就唯願世尊垂愍見憐放大光明照諸十方佛刹土其中純淑衆生之徒蒙光得化普得度脫

爾時世尊可其所說尋於座上即如其像三昧正受其三昧名右足指輪定意放大光明其光明照此忍世界已復照十方諸佛恒沙刹土十方國土諸菩薩等百千億眾尋其光明來至忍界東方去此九十六江河沙等諸佛刹土過此數已國名海寶有佛名寶淨如

來至真等正覺明行成爲善逝世間解無上士道法御天人師号佛世尊現在說法彼有菩薩名曰辯聰不退轉大士見此光明便往至寶淨如來所頭面禮足在一面立爾時寶淨如來告辯聰菩薩曰汝到彼土攝持威儀無失儀則所以然者彼土志性剛強所行率

暴勿見苦樂彼土衆生多懷憍慢不順正法若見有短慎莫驚懼能如是者宜知是時彼佛刹土衆多菩薩自白其佛我等使得善利宿福自賀不生忍土是時辯聰菩薩將十千菩薩前後圍遶猶如力士屈伸臂頃來至忍界往至釋迦文佛所立

能八

十三

爾時世尊知而告最勝曰汝頗見辯聰菩薩及餘菩薩不平對曰唯然已見佛告最勝此菩薩者義辯第一慈悲喜護言語柔和志行高遠先笑後言和顏悅色問不復重所說約少接度衆生如佛之度成不退轉立菩薩道是時辯聰菩薩及十千菩薩禮世尊足右遶

三而叉手向佛而歎頌曰

聲振徹十方 功德名訓稱 人尊所適方
靡不蒙其度 佛土界清淨 不聞五道名
捨彼而就此 慈悲難喻等 世尊今所現
人中實難有 德積如須彌 自投于足下
正使行精進 一劫至百劫 不如須臾間

忍界行哀心 諸佛興出世 先選清淨土
仁尊獨能忍 於此五濁世 善哉甚難有
將護平等度 流教及三乘 令淨身口意
既成菩薩道 亦無退轉心 意趣倍精進
今故稽首禮 斷諸狐疑結 使修十善行
諸佛法具足 所說智海淵 若在本刹土

億百劫導師 不如在此土 住劫度一人
亦遊無量刹 恒沙不可計 不聞有苦惱
及八無間處 此人多剛強 衆垢以成身
四諦真如水 洗浴內外淨 我等信心至
故遠來歸命 欲聞定意法 願時敷演之
爾時辯聰菩薩以偈讚佛已前白佛言何謂

能八

十三

菩薩志意堅牢堪受定意所聞教戒亦無厭
足云何菩薩言行相應內性柔軟

爾時世尊告辯聰曰諦聽諦聽善思念之吾
當爲汝分別其義對曰如是世尊佛告辯聰
菩薩修定心成就四法使菩薩志意堅固堪
任受定所聞教戒亦無厭足何謂四法所謂

慈悲四等心不懈怠所度人民如幻如化諸
佛智慧無與等者是謂辯聰菩薩成就四法
志意堅牢堪任受定云何菩薩一意趣向言
無錯亂佛告辯聰於是菩薩復當成就四法
何謂四法菩薩一向說衆生空說諸法空於
諸受入都無所著歎譽菩薩所作功德分別

善惡有爲無爲之法念行善權是謂四法云
何菩薩增益善根轉多不減佛告辯聰復有
四法增益善根云何爲四一曰信二曰聞三
曰施四曰出要是謂四法今菩薩增益善根
云何菩薩心不亂錯亦不狐疑佛告辯聰復
當思惟四法意專不亂云何爲四法所謂心

常專定禁持禮節不望利養不求名稱是謂
四法意不有亂復有四法增益善根云何爲
四所謂四法教他立信既施之後不望其報
乃護法之主菩薩言教教授不違是謂四法
之所修行復有四法菩薩當念思惟從一地
復至一地或退或進云何爲四法教衆生類
習其善根遠離諸惡不行愚惑無捨弘誓意
不怯弱是謂四法菩薩之所修行復有四法
菩薩之所奉持云何爲四所謂化衆生以權
方便立凡夫人在於信地所度無虛妄現佛
威相而接衆生是謂四法菩薩之所奉持復
有四法菩薩當念思惟云何爲四所謂隨宜

進止不著服飾隨彼時宜恒忍苦樂是謂四
 法之所修行復有四法云何為四法所謂自
 伏意性常發道心不離善權專意念佛是謂
 四法復有四法菩薩當念思惟云何為四於
 是菩薩當念獨處遠聲聞心及辟支佛意求
 法無厭足所聞正法廣與人說是謂四法復

能八

十五

有四法菩薩當念思惟云何為四求寶給窮
 乏醫藥療治病求義無厭忍一切苦是謂四
 法復有四法菩薩當念思惟云何為四行不
 起忍超滅盡忍思惟根本十二因緣於忍不
 著忍各各自離是謂四法復有四法菩薩當
 念思惟云何為四思惟惡露不淨之觀數出

入息行清白法當自謙卑是謂四法復有四
 法菩薩當念思惟云何為四當觀應法衆生
 然後投藥常念恭敬無得自高若在大衆不
 著利養行權方便所適無礙是謂四法復有
 五法菩薩當念思惟云何五受平等法而不
 遺漏觀已彼身等無有異與善知識從事永

斷結使令無有餘是謂五復有五法菩薩當
 念思惟云何為五自省已過不見彼短若在
 惡部使行慈心然熾諸法去其緣著道心牢
 固終不忘夫亦使前人行其道意是謂五復
 有五事菩薩當念思惟云何為五施恒在前
 次復教人使行惠施執心施時亦不選擇觀

衆生是非諸法甚深皆得解脫至成作佛莊
 嚴道樹是謂五法復有五法菩薩當念思惟
 云何為五知行起滅於力無畏不捨衆生分
 別衆智亦知增上智不相違背是謂五法復
 有五法菩薩當念思惟云何為五在五道中
 永度無極供養諸佛禮事恭敬入慈三昧以

十五

自娛樂佛智無量現在目前無量三昧亦不
 疑難是謂五復有五法菩薩當念思惟云何
 為五發弘誓心終不中悔言從語用言不妄
 發依禪不著禪念持不著遊處亦不樂是謂
 辯聰菩薩摩訶薩修此定意本行便得如來
 正受爾時世尊說此法時二億諸天世人發

無上正真道意復有五干天子得不起法忍
是時諸佛刹土諸菩薩等各齋華香而興供
養華至于膝

十住斷結經卷第八

能八

辟方亦反肘反知柳鏤漏音鳧鴈水上音扶捷反慈業

也速瓜刮上之巧反反駘呼獲反破刺身上賜反七
也速瓜刮下俱反駘呼獲反破刺身上賜反七
闔干力反也闇瞑下莫反少息淺也
文熱瘖瘖下上於一雅反齋子芳
度也瘖瘖下上於一雅反齋子芳

十住斷結經卷第九

能九

姚秦涼州沙門竺佛念譯

碎身品第十五

佛告最勝菩薩摩訶薩入碎身定使菩薩入
此定具足十種如住何謂為十一切世界如
如住一切諸方如如住一切劫數如如住一

一

切衆生如如住一切諸法如如住一切諸善
薩行如如住一切菩薩願中如如住一切衆
定中如如住一切諸佛世尊如如住一切地
界如如住若有菩薩得此碎身定者便獲此
十如如住云何菩薩入衆生碎身定於是最
勝菩薩摩訶薩入碎身時先入身內定從身
外起入身外定從身內起入一身定從異身
起入異身定從一身起入人身定從閻叉身
起入閻叉身定從龍身起入龍身定從阿須
倫身起入阿須倫身定從天身起入天身定
從梵天身起入梵天身定從欲界身定起入
天道身定從地獄身定起入地獄身定從人
道身定起入人道身定從餘道定起入于身
定從一身定起入一身定從千身定起入億
身定從一身定起入一身定從億身起入閻
浮里地有形衆生定從瞿耶尼有形衆生定
起入瞿耶尼有形衆生定從鬱旦曰有形衆
生定起入鬱旦曰有形衆生定從弗于逮有